

Риёзус солиҳийн шарҳи / Риёзус солиҳийн шарҳи / 750-ҳадис

750 – عَنْ أَبِي هُرَيْرَةَ رَضِيَ اللَّهُ عَنْهُ قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: «إِذَا دُعِيَ أَحَدُكُمْ فَلْيُجِبْ، فَإِنْ كَانَ صَائِمًا فَلْيُصَلِّ، وَإِنْ كَانَ مُفْطَرًا فَلْيَطْعَمْ». رَوَاهُ مُسْلِمٌ [1431].

قَالَ الْعُلَمَاءُ: مَعْنَى «فَلْيُصَلِّ» فَلْيَدْعُ، وَمَعْنَى «فَلْيَطْعَمْ» فَلْيَأْكُلْ.

750. Абу Хурайра розияллоху анхудан ривоят қилинади:

«Расулуллоҳ соллаллоху алайҳи васаллам: «**Бироргангиз (бир жойга) таклиф қилинса, таклифни қабул қилсин. Агар рўзадор бўлса, дуо қилиб қўйсин, оғзи очик бўлса, есин**», дедилар».

Имом Муслим ривояти.

Шарҳ: Ушбу ҳадисда нафл рўза ҳақида гап кетаётганини олдиндан айтиб қўйганимиз маъқул.

Бу ҳадиси шарифга биноан, рўзадор инсонни бир киши таомга-маросимга даъват қилса, мен рўзадорман, деб узрини айтиши керак.

Даъват қилувчи унинг ҳолини тушуниб, узрини қабул қилса, даъват жойига бормади. Агар даъватчи вазиятни тушунмай, боришни талаб қилиб туриб олса, узрини қабул қилмаса, боради. У ерда бошқалар таом еганда, у даъват эгаси ҳаққига дуо қилади. Агар рўза нафл бўлмаса, қазо ёки назр бўлса, шундоқ қилади. Агар нафл рўза бўлса, даъват эгаси унинг таомидан еса хурсанд бўлса, егани маъқул.



HADIS.ISLOM.UZ
NUBUVVAT MARVARIDLARI